

CORONAVIRUS (COVID-19)



ORYANTASYON POU PLAS ADORASYON YO

Dokiman sa a bay oryantasyon pou milye adorasyon yo ak sèvis relije (HW) pou sipòte anviwònman ak bonjan sekirite pou dirijan relije yo, anplwaye yo, volontè yo, save yo ak tout lòt kalite travayè, ak menmjan pou pou moun k ap ede legliz yo, fidèl yo, epi vizitè yo. Yo te eksprèseman revoke davans tout oryantasyon ki te aplikab pou HW a. Pa gen anyen nan gid sa a ki ogmante restriksyon obligatwa yo ak obligasyon nan. Deklarasyon nan Eta pou Ijans sou COVID-19 la ak amannman ki vin apre yo. Pou w konprann tout règleman sa ki kapab aplike a HW an, nou ankouraje w ak toutfòs pou w revize Eta Ijans ak modifikasyon ki vini aprè nan COVID-19 lan. Konsa, objektif oryantasyon sa a, se pou li se yon èd itil pou sèvis relije (HW) kote yo chwazi pou elaji oubyen rekòmanse sèvis ak moun menmjan ak pou sèvis relije kote yo pa fè chwa sa a. Nou ankouraje lidè relije yo pou yo adapte yo a prensip ki ale ak oryantasyon ak kalite seremoni ki pwòp ak Pratik sa ki nan reliyon pa yo an.

Oryantasyon sa a dekouraje, men li pa elimine, aktivite sèvis relije kote moun yo la anpèsòn. Paske yo mache ansam ak deklarasyon Eta Ijans COVID-19 lan, konsèy ki sòti nan Divizyon Sante Piblik Delaware lan, ansam ak rekòmandasyon Patnè Relijye yo ki nan Konsèy Gouvènman, sèvis sou entènèt ak kote moun kondwi vini yo, yo prezante chwa ki gen piplis sekirite pou sèvis yo mache. Menm kan yo respekte distans fizik yo, lè divès gwoup fanmi ap konvèje nan yon plas d adorasyon, yo pòte avèk yo yon gwo risk pou yo gaye lajman transmisyon viris sa a ki koze COVID-19 lan, epi sa ka gen pou rezulta piplis enfeksyon, plis hospitalizasyon ak lanmò tou, sitou pami popilasyon sa ki pi vilnerab yo.

Li egzijib pou Sèvis Relijye yo respekte deklarasyon Eta Ijans COVID-19 lan ak tout modifikasyon nesesè ki vini aprè yo.

Chwa sa ki gen plis sekirite yo : Sèvis Delwen ak Sèvis pou Kondwi nan Machin

- Sèvis delwen yo kapab reyalize sou entènèt, difize sou radyo, konpoze pou ka antre oswa fèt sou telefòn. Se sèl sèvis delwen yo ki kapab garanti ke sèvis relije yo (HW) pap travay kòm sous pou plis enfeksyon.
- Sèvis kote patisipan yo rete pandan yap kondwi nan mahin yo, ou "drive-in", genyen mwens risk pou enfeksyon. Nou ankouraje yo ak toutfòs tou. Sèvis relije yo (HW) kapab fèt nan machin annakò avèk Ventyèm Modifikasyon an.

Pou plis enfòmasyon silvouplè vizite:
de.gov/coronavirus

Mete ajou: 6/14/20

Paj 1

Sèvis Anpèsòn yo

- Gen pèmisyon pou sèvis anpèsòn yo. Nonb total moun ki kapab nan yon sèvis reliye nan yon menm tan limite I a swasant pousan (60%) selon règleman sèvis ensandi yo. Sèvis sa yo dwe obsève Responsabilite pou tout règleman yo anvizaje nan Venteyinyèm Modifikasyon an. Bonjan distans sosyal, mask pou kouvri figi, menmjan nou egzije sa nan Trèzyèm Modifikasyon an, jan sa modifie nan Ventyèm Modifikasyon an, epi netwayaj ak dezenfektan se kle pou redwi risk enfeksyon yo kote ki gen rasanbleman moun anpèsòn.
- Nou ankouraje lidè sèvis reliye yo ak toutfòs pou yo fè manm asanble yo sonje enpòtans distansyasyon sosyal yo ak aplikasyon ijyèn (epitou pou yo rete lakay yo si yo gen sentòm yo; pou yo kouvri figi yo jan sa egzije nan Trèzyèm Modifikasyon an; epi pratike Egzijans Distans Sosyal jan sa endike nan Venteyinyèm Modifikasyon an) nan kòmansman nenpòt sèvis.
- Si tan an bon ak si gen sifizamman fasilitè, gen anpilfwa plis sekirite pou reyalize adorasyon ak lòt aktivite yo nan deyò olye pou yo fèt anndan.
- Nou ankouraje lidè HW yo pou yo echelone lè patisipan yo ap rive, sitou pou yo pèmèt pou moun sa ki bezwen asistans yo oubyen plas espesyal pou yo chita pou yo antre a yon lè detèmine avan sèvis lan kòmanse.
- Lidè yo dwe itilize siyalizasyon ak endikatè fizik (tankou tep, riban, fisèl oubyen kòd) kote ki nesesè pou asire ke règleman distans sosyal yo respekte, ki se sis (6) pye, pou yo kòmanse make nan chak pòt kote moun antre ak nan tout espas nan batiman yo kote moun ap sikile.
 - Lidè sèvis reliye yo dwe itilize divès monitè ou manm pèsonèl ki pou ede fidèl yo jwenn plas pou yo chita pou yo pa nan kanpe oubyen ap gwoupe nan fè konjesyon; pou yo respekte distans sis (6) pye an antre yo lè yo kanpe.
 - Gen bilten enprime ki pou ede moun yo respekte règleman yo epi ki disponib nan: de.gov/bizsigns
- Nou mande lidè HW yo pou ofri plis tan pou sèvis ak reyinyon pou yo ka gen mwens patisipan nan chak sesyon.
- Nou mande lidè HW yo pou yo evite pataje atik (tankou liv priyè, kousen, ak ajenouyè, etc.) nan seyans adorasyon ak sèvis yo chak fwa ke sa posib epi aranje yo pou itilize atik sa yo oubyen kopi yo yon sèl fwa, epi mande patisipan yo pou pòte pito pwòp atik pèsonèl pa yo.
- Nou mande lidè HW yo pou yo evite pase asyèt oubyen lòt atik menm jan an pou ofrand demoun amoun. Nou mande lidè HW pou yo pran donasyon yo nan bwat ki fikse yon kote, atravè lapòs, oubyen sistèm elektwonik.
- Lè moun yo rasanble anndan, nou ankouraje lidè HW yo ak toutfòs pou yo kite lèfrèch antre anndan an, tankou pou yo ouvri pòt ak fenèt yo sitou lè tan an bon, epi kite sistèm vantilasyon yo fonksyone.
- Nou ankouraje ak toutfòs pou timoun yo rete nan konpayi moun lakay yo, pou yo pa nan mele nan jwèt ak timoun lòt fanmi pandan tan dewoulman sèvis lan. Nou mande lidè yo pou yo metefen nan aktivite ak sèvis pou timoun yo lè li pa posib pou yo mentni distans fizik sis (6) pye an.
 - Nou rekòmande pou evènman jenès yo, edikasyon ak lòt sèvis sipò kontinye telekomunikasyon sou entènèt otank posib. Nou ankouraje pou pwogram anndan pou jenn yo pa genyen plis pase kenz (15) patisipan nan chak gwoup eke yo dwe asire yo bonjan distans sosyal sis (6) pye an respekte tout tan san ratman.

Evite Aktivite sa ki Gen Piplis Risk yo

- Viris COVID-19 lan sitou gaye kò li nan tigoutlèt ki sòti nan aktivite respirasyon k ap simaye nan kontak moun amoun kote yo pa gen distans sis (6) pye antre yo; risk lan ogmante lè moun yo ekspoze yo ansanm pandan lontan. Gen aktivite nan plas d adorasyon yo ki poze gwo risk ke nou dwe evite:
 - Evite chante ansanm, resite angwoup, ak lòt pratik ak pèfòmans kote risk pou transmisyon goutlèt kontamine yo ant patisipan yo ogmante. Tout moun k ap li, k ap pale, oubyen k ap chante dwe respekte règleman Trèzyèm Modifikasyon an, jan li modifye nan Ventyèm Modifikasyon an, lè yon moun ap adrese l a anpil lòt moun. Konsidere seryezman mete fen nan aktivite yo lè moun kap kondwi sèvis lan kenbe fidèl yo pandan lontan pou nenpòt rezon.
 - Dekouraje manm pèsònèl yo, fidèl yo, epi vizitè yo pou yo pa angaje yo nan bay lanmen youn lòt, nan akolad, oubyen lòt tip salitasyon menm jan an ki rakousi distans fizik yo.
- Gen sèvis espesyal tankou batèm, inisyasyon, seremoni maryaj, epi fineray ki gen pèmisyon pou yo fèt, men tou yo gen menas movèz sante serye ladan yo tou si bonjan distans sosyal, ijiyèn, ak lòt mezi pa antre an aplikasyon pou n diminye pwopagasyon viris COVID-19 lan.

Sa Venteyinyèm Modifikasyon an egzije akòz Enkyetid pou Sante Piblik

- Gen Egzijans pou Distans Sosyal minimòm lan rete mentni.
- Nou dwe pòte mask pou kouvri figi nou annakò avèk Trèzyèm Modifikasyon an, jan sa modifye nan Ventyèm Modifikasyon an.
- Lidè HW yo dwe echelone sèvis yo yon fason pou gen netwayaj konplè.
- Evite pataje mikwofòn.
- Lidè HW dwe aranje yo pou estasyon pou lavemen ak alkòl pou dezenfekte men toujou la, disponib.

Pou piplis oryantasyon, lidè HW yo kapab konsilte Oryantasyon Enterimè CDC an pou Kominote Fidèl yo “CDC’s Interim Guidance for Communities of Faith” nan:

<https://www.cdc.gov/coronavirus/2019-ncov/php/faith-based.html>

Si w gen kesyon konsènan oryantasyon sa a, pran kontak ak Divizyon Sante Piblik lan nan 1-866-408-1899 oubyen voye email nan DPHCall@delaware.gov.